

Aretxagazeta

ARETXABALETA / Egubakoitza / 2005eko maiatzaren 27a

382. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxa: 943 77 18 54 • Posta elektronikoa: aretxagazeta@goiena.com • Lege gordailua: 55378/94

Aste Berdea egingo dute martitzenetik domekara, herritarrak sentsibilizatzeko

MIRARI ALTUBE

Martitzenean, maiatzak 31, hasi eta domekara bitartean Aste Berdea egingo dute. Udalak antolatu du Ihobe sozietatearekin batera eta herritarrak sentsibilizatzea du helburu. Iñaki Antiguiedad EHUko irakasleak eta Tomas Larrañaga base-ritarrak berbaldea egingo dute.

Ingurumenaren Nazioarteko Eguna da ekainaren 5ean, domeka. Hala, Aste Berdea antolatu du Udalak Ingurumen Jarduketarako Sozietate Publikoaren (Ihobe) laguntzarekin. Herritarrak sentsibilizatzea eta ingurumenaren arazoaz kontzientzia hartzea du helburu asteak.

BERBALDI BI

Hainbat ekintza antolatu dituzte ume, gazte zein helduendako. Azken horiendako berbaldi bi egingo dituzte. Martitzenean, maiatzak 31, EHUko irakasle Iñaki Antiguiedadek jasagarritasun edo iraunkortasunaren argi eta ilunen gainean egingo du berba. Iritzi kritikoa dauka Iñakik, eta modan dagoen berba izan arren, haren esanetan samurragoa da iraunkorra zer ez den esatea.

Eguaztenean, ekainak 1, Tomas Larrañaga antzuolarra etorriko da nekazaritza ekologikoaren gainean berba egitera. Produktu ekologikoak lantzen ditu Tomasek, eta zein ezberdintasun dagoen aipatuko du.

IRTEERAK ETA TXOTXONGILOAK

Ikastetxeetako gaztetxoendako irteera antolatu dute Iturriondoko parkera. Arkarazo auzora bidean dago Iturriondo eta espezie askotako zuhaitz eta zuhaixkak daude. Anjel Loidi eta Fermin Lezeta basozainaren eskutik bertako zuhaitzen berri jasoko dute eguenean. Umeek, oster, tailerak eta jolasak egingo dituzte birziklatzea oinarri hartuta egubakoitz arratsaldean, Kurtzebarri eskolan.

Zapatuan, ekainak 4, *Bakartxoren zapatilak* txotxongilo emanaldia eskainiko dute: Imanol Urbietara zarautzar musikagilearen ipuin baten oinarritutako lanak hainbat gai lantzen ditu: etxearen arteko harremanak, lana, zaborteia, birziklatzea... Ume zein nagusiak hurreratu ahal izango dira Basabeazpi gunera.

ARGAZKI LEHIAKETA

Argazki lehiaketa ere antolatu dute ikastetxeetan. 12 eta 16 urte bitarteko ikasleendako da, eta *Paisaiaren edertasuna eta ingurumenaren degradazioa* izango dute gai. Landaretzaren eta animalien kaltea islatzen eta salatzen duten argazkiak atera beharko dituzte. Ekainaren 2an, eguena, bukatuko da epea, eta zapatuan eta domekan erakusketa jarriko dute udaletxe zaharrean. Hain zuzen, domeka eguerdian banatuko dituzte sariak, eta ondoren luntxa egongo da udaletxe zaharrean datozen guztiendako.



Ume, gazte zein heldu bakoitzak bere ardurak izan behar ditu ingurumena zaindu eta babesteko orduan.

Egitaraua

MAIATZAK 31, martitzena

19:00: *Jasagarritasunaren argi-ilunak* berbaldia Iñaki Antiguiedad eskutik. Udaletxe oso bilkuren aretoan.

EKAINAK 1, eguaztena

19:00: Nekazaritza ekologikoaren gaineko berbaldia Tomas Larrañagarekin. Udaletxe oso bilkuren aretoan.

EKAINAK 2, eguena

DBHko ikasleak Iturriondora irteera.

EKAINAK 3, eguaztena

14:30-16:30: Birziklatzearen gaineko tailerak eta jolasak Kurtzebarri eskolan.

EKAINAK 4, zapatua

11:00: Txotxongilo emanaldia: *Bakartxoren zapatilak*. Basabeazpi gunean.

EKAINAK 5, domeka

12:00-14:00: Argazki erakusketa udaletxe zaharrean.
13:00: Sari banaketa. Ondoren luntxa.



**ANDRA
MARI**

Aholkularitza

Fiskala

Kontablea

Juridiko/laborala

2004ko ondare eta errenta aitorpenenerako epea zabalik

FARMAZIENTXANDA

ZAPATUA, 28
ITURRALDE, Belorrieta 1. . 943 79 27 22

DOMEKA, 29
ITURRALDE, Belorrieta 1. . 943 79 27 22

TELEFONOAK

OROKORRAK

- Almen 943 71 49 07
- ARETXAGAZETA 943 79 86 21
- Faxa 943 77 18 54
- Basotxo 943 77 09 81
- Euskaltegia 943 79 21 68
- Gizarte laguntzailea 943 71 18 62
- Industrialdea 943 79 62 80
- Institutua 943 79 79 00
- Kirol etxea 943 71 26 28
- Kultura etxea 943 71 10 27
- Gazteria saila 943 71 10 27
- Kurtzebarri Eskola 943 79 00 49
- Kurtzebarri BHI 943 79 57 40
- KZGunea 934 79 94 44
- Liburutegia 943 71 18 62
- Loramendi EE 943 77 09 70
- Ludoteka 943 79 05 81
- Mankomunitatea 943 79 30 90
- Murruxiko ME 943 79 93 74
- Musika Eskola 943 79 36 50
- Osasun etxea 943 71 19 59
- Otalora 943 71 24 06
- Parrokia (bulegoa) 943 79 18 42
- Pausoka Haur Eskola 943 77 03 77
- Postetxea 943 79 28 31
- Basabeazpi Ikastola 943 71 21 18
- Taxi geltokia 943 77 12 64
- Udal Bulegoak 943 71 18 62
- Udaltzaingoa 943 71 18 63
- Urats Gain 943 79 99 11

UDALITZAINGOA

Arrasate 943 79 14 39

LARRIALDIK

- SOS Deiak 112
- Eskualde Ospitalea 943 03 53 00
- Ertzaintza 943 79 71 99
- Gurutze Gorria 943 76 55 76
- Larrialdia 943 46 11 11
- Suhiltzaileak (Oñati) 943 78 28 00


Haurrak eta gurasoak izango dira protagonista Haurren Astean

M.A.

Haurren Astea antolatu du Kurtzebarri eskolak. Aste honetan bertan egin dituzte berbaldi batzuk eta datorrenean umeak izango dira protagonistak. Jolasak, ipuinak, irteerak... izango dituzte, eta arratsaldean gurasoendako dantza eta abesti emanaldiak.

Haur Hezkuntzako ikasleen astea egingo dute Kurtzebarri eskolan. Adin horretan familia eta eskola dira erreferentzia umearentzat, eta horren gaineko berbaldiak izango dituzte gurasoekin.

Astelehenean, maiatzak 30, Juan Luis Martin psikologoak eta Ainhoa Manzano EHUKo irakasleak 2-5 urte arteko etapa. Heziketarako jarraibideak berbaldia egingo dute. 18:00etan izango da, eskolan bertan. Martitzen eta eguaztenean, ostera, 2 urteko gurasoendako familia eta eskolaren arteko harremanaren gainean egingo dute berba. 18:30ean izango dira bi berbaldiak lehenengo gaztelaniaz eta bigarrena euskaraz. Gurasoen kezka eta zalantza argitu guran antolatu ditu Kurtzebarri eskolak.



Dantza eta abesti emanaldiak egingo dituzte umeek gurasoen aurrean.

Haurren Astean gurasoekin batera umeak dira protagonistak. Hala, jolasak, irteerak, eskulanak eta beste horrenbeste ekinza izango dituzte egunean zehar, eta arratsaldetan, 18:00etan,

gurasoen aurrean dantza eta abesti emanaldiak egingo dituzte; baita 5 urtekoek zirkoa ere. Aukera paregabea daukate gurasoek umeek egiten dutena ezagutu eta ondo pasatzeko.



Murruxiko garaile Euskararen Eguneko apustuan

Trikitilariak, gazta, sagardoa, bertsolariak, pailazoak, perkusio hotsak... Ez zen geratu inor etxean joan zen zapatuko Euskararen Egunean. 180 lagun elkartu ziren babarrunak jatera, eta ostean Trilkimailu taldearen antzezlanak irribarrea atera zuten guztiei. Sokatira apustuan Murruxiko gehiago izan zen, eta Gazte Ekimenari nagusitu zitzaion. Hurrengo urterako entrenatuta etorri beharko dira Gazte Ekimeneko kideak. / M.A.

LABUR

Errioxara joateko izena emateko deia egin du Basotxok

Basotxo Zaharren Elkartek bidaiari antolatu du erretiratuendako Errioxara. Ekainaren 9an, eguna, izango da; lehenengo Logroñora joango dira Errioxako jakiekin osatutako feria ezagutzera, eta bazkalostean ardoaren museo ikusiko dute Briones herrian. Izena emateko epea maiatzaren 30etik ekainaren 4ra bitartean egongo da zabalik, Basotxo elkartearen bertan. Jende askok emanez gero izena bigarren autobusa antolatuko dute antolatzaileek.

Edorta Agirre sukaldariaren berbaldia egunean

Edorta Agirre sukaldari eta idazleak *Euskal sukaldariaren antropologia* liburua aurkeztuko du, egunean, ekainak 2, 19:00etan, udal-tertxe zaharrean. Loramendi Euskara Elkartek gonbidatuta etorriko da. Edorta ez da berria idazte kontuetan; izan ere, hau baino lehen bakailaoaren gaineko liburua dauka argitaratuta, Andoni Luis Aduriz eta Santos Bregañarekin batera.

Arropak erakutsi ditu Ivan Vaz diseinatzaileak

Ivan Vaz aretxabaletarrak berak diseinatutako arropak erakutsi zituen joan zen egubakoitzean Arrasateko Al Andalus elkarteak antolatutako kultura astean. *Carmen* izena jarri zion arropa bildumari; izan ere, XIX. mendeko Andaluziako jantzetan oinarritutako bilduma da Ivanek egindako azkena. Arabako diseinatzaile gazteen lehaketan saria jaso zuen bilduma horrekin aurtengo udaberrian, eta apirilean Gijongo diseinatzaile gazteen lehaketan egon zen gonbidatu gisa.

GARBITU S. KOOP

Garbiketa orokorrak

Errekabarren 3- Behea
ARETXABALETA
Tel: 943 79 01 28



ZATOZ GURE MUSIKAZ GOZATZERA

Mitarte 9 • Aretxabaleta
Tel.: 943 79 92 01



MAPFRE
Aseguroak

Errekabarren 3
Aretxabaleta
Tel.: 943 77 11 76



ERAIKUNTZA ETA INDUSKETAK

Tel.: 943 79 01 51
Basabe poligonoa 4, EQ-11 • ARETXABALETA

Zuzendaria:
Lyonel Arquero

Dekorazioa:
Soraya Arquero

Almengo talde bat euskal jokoen finalean egongo da

M.A.

Gaztetxo bete zen Herriko plaza eguzten goizean. Euskal jokoen topaketa egin zuten, eta Almengo talde bat sailkatu zen. Gaur, egubakoitza, finala jokatu dute Zarautzen.

Kutzak antolatutako euskal jokoen topaketen kanporaketa jokatu zuten eguzten goizean Aretxabaletako Herriko plazan. 13 urteko gaztetxoak elkartu ziren hainbat jokotan parte hartzeko.

EUSKAL JOKOAK

Arizmendi ikastolako Almen, Ferixaleku eta San Viator guñetakoak, Mesedetakoak eta Kurtzebarri eskolakoak elkartu ziren gure herrian eguzten goizean. Guztiak DBHko lehenengo mailako ikasleak ziren.

Euskal jokoak ezagutzeko helburuarekin 10:00etatik 12:00etara bitartean hainbat joko egin zituzten: sokatira, lokotxak, zaku saltoan, jende proba, zaku eramatea eta korrika. Bertsoak botatzea aukeran zegoen eta lotsak albora utzi eta lau taldek bota zituen. Auzolana ere jarrita zegoen egitarauan, baina azkenean ezin izan zuten egin denborarik gabe geratu zirelako.

FINALA GAUR, ZARAUTZEN

Barreak, aupa oihuak eta jolas giroa izan ziren nagusi Herriko plazan topaketak iraun bitartean. Antolatzaileen esanetan garrantzitsuena ez zen irabaztea



Almengo eta Kurtzebarri eskolako hainbat aretxabaletar ibili ziren norgehiagokan.

euskal jokoak ezagutu eta elkarren arteko harremanak sortzea

Euskal jokoak ezagutu eta elkarren arteko harremanak sortzea dute helburu topaketek

baizik. Hala ere, egindako joko guztietan jaso zituzten puntuak parte hartzaileek talde onena hautatu beharra zegoelako. Almen guneko C taldea izan zen, hain zuzen, puntu gehien jaso zituena, 766. Talde hori gaur Zarautzen egongo da Gipuzkoako onenekin batera euskal jokoen finala jokatzeko. Irabazi edo ez ederto pasatuko dute euskal jolasak aitzakia hartuta eta helburua beteta geratuko da.

LABUR

Errasti anaiek eta Oion eta Uriartek norgehiagoka jokatu dute gaur 20:00etan

Deba Arroko pilota txapelketa bukatzeko bi jardunaldi besterik ez dira geratzen, eta gaur, egubakoitza, elkarren aurka daukate partidua Aretxabaletako bikote bik: Errasti anaiek Oion eta Uriartekin norgehiagokan. Elkarren aurka jokatu zuten azken partiduan aise irabazi zuten Errasti anaiek, hortaz, oraingoan ere favoritoak izango dira. 20:00etan hasiko da partidua.

Odei Vazquez karate jokalaria Euskadiko eskola arteko karate txapelketara joango da

Odei Vazquez karate jokalaria aretxabaletarra Gasteizen egingo duten Euskadiko eskola arteko karate txapelketara joango da bihar, zapatua. Lehenengo aldiz hartuko du parte eta entrenatzaileen esanetan ondo pasatzea beste helbururik ez du.

Joan zen domekan, ostera, Azkoitiko udaberriko txapelketan jokatu zuen Odeik Axel Lizaranzu talde kidearekin batera.

Piraguak itzultzeko eskatu du Murrukixok, triatloi egunerako behar dituelako

Murrukixoko Mendizale Elkartek Urkulun dituen piraguak itzultzeko deia egin die erabiltzaileei. Ekainaren 2rako, eguena, 10 piraguak bere lekuan izatea gura ditu, hilaren 4an, zapatua, Debagoieneko triatloia Urkulun hasiko dutelako. Triatloiko antolatzaileen eskuetan utziko dituzte aipatutako piraguak.

PARTIDUAK

FUTBOLA
Bergara-UDA
Preferentea.
Domeka. Bergara.
Gainerako taldeek bukatu dute liga.

PILOTA
Errasti-Oion/Uriarte
Egubakoitza. 20:00. Iturrigorri.

EMAITZAK

FUTBOLA
UDA 2 Oizartun 0
Preferentea.
Urola 1 UDA/Arizm. 0
Lehen mailako gazteak.
UDA/Arizm. 3 San Patricio 0
Lehen mailako kadeteak.
Tolosa 1 UDA/Arizm. 3
Infantil ohorezko maila.
UDA 1 Antiguoko 2
Alebinak.

Almen/UDA 1 Mondra 3
Emakumezkoen liga (igoera).

PILOTA
Deba Arroko Pilota Txapelketa
Uriarte/Oion 22-Elgoibar 15
Errasti anaiek 22-Bergara 3
Lasag./Alzola 21-Arrasate 22

SANER

ITURGINTZA

Nafarroa 8, 2-A
ARETXABALETA
943 79 64 91
605 71 66 92 / 629 47 72 70

IAUSQIKO OSTATUA

Durana kalea 18 1.ESK
ARETXABALETA

Tel.: 943 79 89 69
Sakelakoa: 656 74 81 61

Dorleta taberna

Bezzeroen zerbitzura

Loramendi 8
Aretxabaleta
Tel.943 79 94 15

Jauregi Okindegia

Otalora 10
Tel.: 943 79 57 47
ARETXABALETA

TABERNA

ARLUTZ

MITARTE, 16 • ARETXABALETA • TEL. 943 79 32 34

Iber

★ Loteria ★
* Paper denda *
* Liburuak *

Otalora 2.
ARETXABALETA
Tel.: 943 79 04 39

O R L A

Herriko plaza z/g ARETXABALETA

ATREBENTZIAEZPADA/ Parranda egunetan apurketak egiten daue herrixen. Ze pasetan da?



PILI AGIRRE
Jubilaue



FRANCISCO JAVIER CORRES
Langillie




ELENA ERASO
Langillie



MANUEL ABRIL
Jubilaue



VIRGINIA MORALES
Langillie



JAVIER MANCHO
Langillie

Indder larrei daukiela gaztiek gabetan, eta gero egunez lo. Lehen zintzuauek gizen eta egunez egitten gittuen parrandak. Jentie, gainera, ohittu egin da; lehen tranquilla bizi gizen.

Ez dakit ez dakixien edaten edo... Dana dala, gaztetzuek lotsabako xamarrek die. Ez dakit zer egin leikien, zenbat eta kontrol gehixau okerrau izengo dalako. Heziketa apur bat biher daue.

Ni neu ez naz konturetu ezertaz, baiñe jentiek larrei edango dau. Hala eta guztiz, ez dakit zeatik halako agresibidie... Multak jarri biher edo udaltzainen bat gabetan zainketan.

Gauzak apurtute pasetan daue ondo, antza danez. Ez dakit larrei edaten dauen edo ez dakixien beste modubaten ondo pasetan, baiñe horrekin ez da ezer lortzen. Irtenbidie... nik badauket.

Gaztiek ez daukie beste zeregiñik eta parrandan apur bat edaten dauenien apurketak datoz. Jarrera kontue dala uste dot; hortan, eurak ez badie konturaketan, gatxa barrero ez pasetie.

Ez daue beste zeregiñik eukiko edo neskek falta ligitako. Euren ondo pasetako modue dala uste dot, beste barik. Gaurko gaztiek 12 eta 13 urtekin edozer gauza egitten daue.

TXALOAKETATXISTUAK




TXISTUAK TXIKIZIOAK BERRIRO Antza denez ez dakigu parrandan egiten apurketarik egin barik. Hori frogatzen dute, behintzat, joan zen zapatu gauean egindako txikizioek: Lausitta kaleko zuhaitzak apurtuta (zenbatgarren aldiz?), edukiontziak kale erdian botata, zakarrontziak apurtuta... Udalak ordainduko ditu, noski, eta guk bitartean egin dezagun gura dugun guztia. / M.A.

ORAINDELA 3URTEARETXABALETAN

Galartza auzoko eliza berritzen hasi ziren

Galartzako Santa Luzia eliza zaharberritzen hasi ziren, eta uztaila bitartean iraun zuten lanek. Hormak berdinu eta margotu zituzten, elektrizitate sarea egokitu, egurra bistaratu eta harlandua agertu zen lekuan gaineko margoa kendu eta kanporatu. Elizpea ere txukundu zuten.



ASTEKODATUA

25

LAGUN EGON ZIREN TOKIKO AGENDA 21EN BILERAN

Martitzenean egin zuten Tokiko Agenda 21en gaineko bigarren bilera. 25 lagun inguru elkartu ziren, eta etxean betetzeko fitxak eraman zituzten. Hurrengo bilera ekainaren 14an egingo dute.

BESTEKEKESANA

Erronka nagusia herrian euskararen normalizazioa lortzea dugu eta horretarako gazteengan eragitea ezinbestekotzat jotzen dugu

Loramendi Euskara Elkarteak. Bestalde, etorkinen gaia ere lantzen hasi beharrekoa gaia dela uste dugu eta helburu nagusira heltzeko aurrerantzean ildo honi ere helduko diogu.

LARRAITZ IÑURRATEGI
'Asteleheneko Goienkaria' / 05-05-23

Ondo iruditzen zait jokalaria saltzea, baina etxeok mantentzeko. Del Hornoren diruarekin jokalaria garrantzitsuak hemen gelditzea suposatuko badu, ongi etorria izan dadila Athletic egin gura duen salmenta.

MATEO
'Asteleheneko Goienkaria' / 05-05-23

HERRITARRENBERBAK/ Jon Molina



Gainbehera

Gure mendebaldeko gizartearen ezaugarri nagusienetako bat, iraganak oinordetzan utzi dizkigun estruktura instituzionalen gainbehera da. Gure aurrekoei mundua eta bizitza ulertzen lagundu zien ideologia, erlijio eta pentsamendu sistema handiek gure garai-kideei ezer gutxi esaten dietela gauza jakina da. XX. mendean hainbeste itxaropen piztu eta hainbeste milioika pertsona mobilizatu zituzten ideologia eta sistema filosofikoak (marxismoa, faxismoa, kristautasuna bera...) Egipto zaharreko mitoak bezain arrotzak eta urrutikoak gertatzen zaizkie gaur egungo gizon-emakumei, eta ondorioz, ideologia nahiz mundu-ikuskera horiek zaintzen eta gordetzen dituzten erakunde eta antolaketak antzinateko fosilak besterik ez dira askorentzat.

Egoera honetara, ordea, ez gara bat batean eta hala beharrez iritsi. Bizi duten krisi egoera, neurri handi batean, egitura horien beraien erantzukizuna da.

Gure herrian ere ez zaigu horren guztiaren adibiderik falta. Nola ez dugu bada, politikagintzaren interes galduko, politika munduak eskaintzen dizkigun ikuskizun tamalgarriak kontutan izaten baditugu?

Parlamentuko mahaiaren presidentea aukeratzeko Euskal Autonomi Erkidegoko Legebiltzarrean ikusi berri ditugunak edonor nazkatzeko modukoak izan dira. Herritarron eguneroko arazoak konponetzen saiatzeaz gain, gobernu erakundeek eta alderdi politikoez

badute, niri iritiz, egin behar pedagogiko bat ere. Gure politikariek ezin diezagukete erakunde publikoenganako konfiantzarik eskatu, erakunde horiek beraien interes motzen jolasleku bihurtu ondoren.

Legealdi berriarekin aro berri bat hasi dugula behin eta berriz errepikatzen digute. Gure ordezkari politikoez erakundeenganako errespetu gehixeago erakutsiko balute ez lukete aurrerapauso txikia emango.

"Gure politikariek ezin diezagukete erakunde publikoenganako konfiantzarik eskatu"

Aretxagazeta

Durana 11
20550 ARETXABALETAN
Tel.: 943 79 86 21
Faxa: 943 77 18 54
Posta-e: aretxagazeta@goiena.com

ZUZENDARIA
Mirari Altube.

ERREDAKZIOA
Mirari Altube

MAKETAZIOA
Alex Azkarate

PUBLIZITATEA
Ziortza Martin

ZUZENTZALEA
Sergio Azkarate

LEGE-GORDAILUA
SS-378-94

ISSN
1134-2609

TIRADA
3.800 ale

Goiena
Komunikazio Zerbitzuak

ARETXAGAZETA / ZE BARRI? • Edizio honek erakunde hauen laguntza izan du:



Eusko Jaurlaritzako
Kultura Saila



Gipuzkoako
Foru Aldundia



Aretxabaletako
Udala



Eskoriatzako
Udala



Leintz Gatzagako
Udala